



JUDICIAL SISTEM MONITORING PROGRAMME

PROGRAMA DE MONITORIZASAUN DO SISTEMA JIDISIAL

Komunikadu Imprensa

Periodu: Marsu 2012

Edisaun: 08/03/2012

Lider comunidade feto Suco Motaulun Distrito Liquiçá hetan treinamentu husi JSMP durante loron 2

Iha loron 29 to'o 01 Marsu 2012, JSMP liu husi Unidade Justisa ba Feto hala'o programa treinamentu ba lider comunidade feto iha Suco Motaulun, Sub-Distritu Bazartete, Distritu Liquiçá.

Programa treinamentu ne'e ho topiku *Lei Kontra Violénsia Doméstika no Kódigu Penál husi perspectiva Jéneru*. Partisipantes ne'ebé partisipa iha treinamentu ne'e, hamutuk nain 20 no hotu-hotu feto.

Diretór JSMP Luis de Oliveira Sampaio haktuir katak "*atividade treinamentu ne'ebé hala'o fokus ba lider comunidade feto ho objetivu atu hasa'e koñesimentu lider lokal sira, liu liu lider feto sira konabá lei aplikavel liu-liu Kódigu Penál no Lei Kontra Violénsia Doméstika. Aleinde ne'e treinamentu ne'e mós hala'o hodi hasa'e sira nia koñesimentu oinsa atu asesu ba prosesu justisa formal.*

Iha parte seluk Xefe Suco Motaulun hateten katak "*programa treinamentu ne'e importante duni ba lider comunidade feto sira tanbá dala barak ona maka problema violénsia doméstika akontese iha comunidade laran, maibé vítima sira ladun hatene didiak konabá prosedimentu legál ba kazu refere, tanbá ne'e prezensa treinamentu JSMP nian bele transfere informasaun legal ba nia comunidade*".

JSMP mós observa katak maske *Lei Kontra Violénsia Doméstika* vigora ona iha nasaun Timór Lésté, maibé JSMP nota no observa katak comunidade iha suco refere seidak kumpriende didiak konabá saida maka violénsia doméstika nune'e mós natureza husi kazu refere no ninia prosedimentu legal.

JSMP hein katak ho atividade hirak ne'e, bele kontinua hametin diak liu koñesimentu comunidade iha area rural sira, no liu-liu atu fasilita sira nia opsaun oinsa atu trata kazu sira relasiona ho krime violénsia bázeia ba jeneru nian.

Programa treinamentu ne'e realiza tanbá hetan suporta financeiru husi **The Royal Norwegian Embassy** iha Jakarta-Indonesia.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Númeru Kontaktu : 3323883/7295795

Email, luis@jsmp.minihub.org